



大明會典卷之一百二十二

兵部十七

馬政

國朝馬政有太僕苑馬寺專理而統於本部。其見於諸司職掌者有四。曰廐牧。關換。折糧。收買。其餘印俵等項各有事例。今具列于後。若內廐馬匹。則掌於御馬監云。

廐牧

諸司職掌

凡太僕寺所屬十四牧監九十八羣。專一提調牧養孳生馬騾驢牛。其養戶俱係近京民。

人。或五戶十戶。共養一匹。每騾馬歲該生駒一匹。若人戶不行用心孳牧。致有虧欠倒死。就便着令買補還官。每歲將上年所生馬駒起解赴京調撥。本寺每遇年終比較。或羣監官員怠惰。或人戶奸頑。致有馬匹瘦損虧欠數多。依例坐罪。

計開

太僕寺所屬

見本衙門

南京太僕寺所屬

見本衙門

遼東行太僕寺所屬

定遼左衛	定遼右衛
定遼中衛	定遼前衛
定遼後衛	鐵嶺衛
東寧衛	瀋陽中衛
海州衛	蓋州衛
金州衛	復州衛
義州衛	遼海衛
三萬衛	廣寧左屯衛
廣寧右屯衛	廣寧中屯衛
廣寧前屯衛	廣寧後屯衛

廣寧衛

廣寧左衛

廣寧右衛

廣寧中衛

寧遠衛

遼東苑馬寺所屬

永寧監

清河苑

深河苑

山西行太僕寺所屬

太原左衛

太原右衛

太原前衛

平陽衛

鎮西衛

汾州衛

安東衛

振武衛

朔州衛

潞州衛

保德州千戶所

山陰千戶所

沁州千戶所

寧化千戶所

馬邑千戶所

陝西行太僕寺所屬

平涼衛

慶陽衛

秦州衛

固原衛

陝西苑馬寺所屬

長樂監

開成苑

安定苑

弼隆苑革

廣寧苑

黑水苑添

靈武監

清平苑

萬安苑

定邊苑革

慶陽苑革

同川監已下四監俱革

天興苑

永康苑

嘉靜苑

安勝苑

威遠監

武安苑

隴陽苑

保川苑

泰和苑

熙春監

康樂苑

鳳林苑

香泉苑

會寧苑

順寧監

雲驥苑

昇平苑

巡寧苑

永昌苑

甘肅行太僕寺所屬

甘州左衛

甘州右衛

甘州中衛

甘州前衛

甘州後衛

永昌衛

涼州衛

莊浪衛

鎮番衛

山丹衛

西寧衛

肅州衛

古浪千戶所

鎮夷千戶所

莊浪千戶所

甘肅苑馬寺所屬已下俱革

甘泉監

廣牧苑

麒麟苑

溫泉苑

紅崖苑

祁連監

西寧苑

大通苑

古城苑

永安苑

武威監

和寧苑

大川苑

寧番苑

洪水苑

安定監

武勝苑

永寧苑

青山苑

大山苑

監川監

暖川苑

岔水苑

巴川苑

大海苑

宗水監

清水苑

美都苑

永川苑

黑城苑

事例

洪武二十八年。革群監官。令有司提調孳牧。江南一十一戶。共養馬一匹。江北五戶。共養一匹。內丁多之家。充馬頭。專一養馬。餘令津

貼錢鈔。以備倒失買補之用。不許輪流。有仍前輪流。及令孤寡殘疾一槩出辦者。發邊衛充軍。如馬頭家生畜不旺。許令於貼戶家看養。凡兒馬一匹。配騾馬四匹。為一羣。立羣頭一人。五羣立羣長一人。每羣長下。選聰明子弟二三人。習學醫獸者。治馬匹。凡補領或孳生三歲騾駒。每二年納駒一匹。○永樂十年。令北直隸土民。領養孳生馬匹。○十三年。定例。每十五丁以下。養馬一匹。十六丁以上。養二匹。為事編發者。七戶養一匹。除其罪為良

民○十四年。令北方人戶五丁養馬一匹。免其糧草之半。每馬十匹立羣頭一人。五十匹立羣長一人○十五年。定南方養馬例。江北每五丁養馬一匹。江南十丁養馬一匹。凡種馬倒死孳生不及數。例應賠償。而遇災荒。每羣聽以三分之一。納鈔入官○二十二年。令民養官馬者。二歲納駒一匹○宣德三年。奏准。北直隸每三丁養騾馬一匹。二丁養兒馬一匹。免糧草之半。兒馬病。同羣共治。死則均陪。若因走失及別故致死者。止追本戶○四

年。令山東兗州濟南東昌三府。領養孳生馬。每五丁養騾馬一匹。三丁養兒馬一匹。不在免糧之例○正統十一年。命河南彰德衛輝開封三府。照例領養孳生馬匹○景泰三年。奏准。凡兒馬十八歲以上。騾馬二十歲以上。免其筭駒○天順三年。奏准。原編孳牧馬頭。有消乏者。改作貼戶○成化元年。令孳生馬。每三年課駒一匹○三年。奏准。復二年課駒一匹。額外多餘者。官為收買。別給空閒人戶○四年。奏准。羣長每五年一替○八年。奏准。

各處醫獸。每州定設二名。每縣一名。歲終更替。○十三年。奏准。養馬人戶。每十年一次。審編。先上戶。次中戶。單丁寡婦。不許槩僉。○二十一年。奏准。凡補領騾駒作種者。二年後方與筭駒。○弘治二年。奏定。鳳陽廬揚三府。滁和等州。孳牧牛共五千隻。母牛三千七百隻。犍牛一千三百隻。○六年。奏定。兩京太僕寺種馬額數。兒馬二萬五千匹。騾馬十萬匹。共十二萬五千匹。每二年照例納駒。其駒更不搭配。於內揀選備用。及補種馬之闕。其餘賣

銀貯庫。遇備用不敷。量支買補種馬。每三年揀選一次。老病不堪者。賣銀入官。撥駒補數。北直隸河間。大名。保定。順德。廣平。真定。永平。七府。免糧養馬。每地五十畝。領兒馬一匹。百畝。領騾馬一匹。共兒馬一萬六百九十五匹。騾馬四萬二千七百八十四匹。山東濟南。兗州。東昌三府。河南開封。衛輝。彰德三府。計丁養馬。每五丁。領兒馬一匹。十丁。領騾馬一匹。共兒馬六千八百五匹。騾馬二萬七千二百二十匹。南直隸應天。鎮江。太平。寧國。廣德五府

州。每十丁。領兒馬一匹。十五丁。領騾馬一匹。共兒馬一千九百九十九匹。騾馬七千九百九十六匹。鳳陽。揚州。淮安。廬州。四府。滁。和二州。滁州一衛。每田二頃。領兒馬一匹。三頃。領騾馬一匹。內滁州衛。迺加一頃。共兒馬五千五百一匹。騾馬二萬二千四匹。○九年。奏准。凡牧馬處。所有田去馬存。丁消馬在者。應牧馬匹。改給得業之人。及丁多之家。領養。逃絕免糧田地。給與同羣管業。不許典賣與人。其一馬兩歲連生二駒者。除納官外。聽其自用。

已上民間孳牧

凡在京在外衛所。俱有孳牧馬匹。以給官軍騎操之用。在京及南北直隸衛所。屬兩京太僕寺。在外屬各該行太僕寺。苑馬寺。及都司。委官提督。每衛委指揮一員。所千百戶一員。專管孳牧。其搭配科駒起解比較等項。悉照民間事例。○洪武二十三年。令飛熊。廣武。英武等衛。每五戶養馬一匹。○永樂十四年。令薊州。山海。諸衛屯軍。每人養種馬一匹。免納子粒。○宣德七年。令法司及陝西布按二司。

雜犯死罪應充軍者發陝西行太僕寺養馬
○正統六年令征戰走傷馬匹驗視明白分
給各衛守城官軍牧養遇倒死埋瘞○成化
七年奏准天下衛所孳牧馬匹有埋沒者俱
照原額買補令軍餘朋合領養

已上軍衛孳牧

正統十四年令順天府所屬州縣寄養各處
起解備用馬匹照北直隸事例論糧分俵其
本府各州縣原領孳生種駒改撥直隸永平
等府空閑人戶其備用馬歲取二萬匹北直

隸河南山東取七分南直隸三分俱限八月
以裏解部發太僕寺驗印給俵或遇法司送
到贓罰入官馬牛驢騾驗堪用者亦照此例
○成化二年奏准南直隸起解寄養備用馬
有矮小不堪及不足數者每匹徵銀十兩解
部發太僕寺收貯以備收買○二十一年奏
准南京太僕寺所屬地方備用馬匹從各府
州縣徑解北京交俵如有拖欠及補完之數
仍行南京太僕寺照查○弘治三年會議備
用馬每歲取一萬匹北直隸河南山東并南

直隸徐州所屬俱解本色。內永平府折色本色中半。廬州鳳陽二府。滁和二州。解本色七分。折色三分。淮揚二府。應天江浦六合二縣。解本色四分析色六分。應天府上元等縣。鎮江太平寧國所屬俱解折色。○凡寄養馬倒死。告官給印信文帖。相視開剥。如無文帖而開作倒死者。以盜賣論。

已上京府寄牧

洪武二十三年。令五軍都督府錦衣旗手虎賁左右。興武鷹揚金吾前後羽林左右。龍驤

豹韜天策神策府軍左右前後等衛。各置草場於江北湯泉滁州等處。牧放馬匹。○二十五年。罷民間歲納馬草。凡軍官馬。令自養。軍士馬。令管馬官擇水草豐茂之所屯營牧放。○三十年。定北邊牧馬草場。自東勝以西至寧夏河西察罕腦兒。東勝以東至大同宣府開平。又東南至大寧。又東至遼東。又東至鴨綠江。又北去不止幾千里。而南至各衛分守地。又自鴈門關外西抵黃河。渡河至察罕腦兒。又東至紫荆關。又東至居庸關及古北口。

又東至山海衛。凡軍民屯種田地。不許牧放。其荒閑平地及山場腹裏。

諸王駙馬及軍民聽其牧放樵採。在邊所封之

王不得占為已場。妨害軍民。○永樂二十二年。令

戶部錦衣衛各委官查勘五府牧馬草場。有妨占民田處所。另撥官地與民為業。○永樂以後。錦衣旗手府軍左金吾左右大興左羽林前燕山左右前忠義左右前後義勇左右中前後神武左後大寧中武成中寬河會州蔚州龍驤富峪

裕陵

茂陵等三十一衛。五軍三千神機等營。各置草場於

順天保定等府宛平大興等縣。牧放騎操馬匹。每歲春末夏初。各營馬匹除例該存留聽用外。其餘本部推舉坐營官一員。具奏請

勅管領下各該草場牧放。至九月終回營。其牧馬每三日演習一次。下場之後。本部行移該科及都察院具奏。差官點聞馬匹倒死。官軍逃亡。領

勅官按月造報。如有納賄賣閑。不行提督致馬瘦

損者。點閘官指實參奏。其在邊者。以四月中出牧。九月初回營。○成化四年。令北直隸京師附近。係官草場。不許內外官豪勢要。妄指求討。托故投獻。違者。許科道官糾劾。及各該衙門追究治罪。○六年。令德州天津各衛逃故軍人。遺下草場。為附近軍民盜耕布種者。退地還官。每畝量追花利草三十束。不願者。每束納銀三分。准作逐年拖欠之數。照依時價。支給京操上直官軍。買草餵馬。以後年分。但有拖欠草束。俱照例准折。○十年。令陝西

榆林等處。近邊地上。各營堡草場界限明白。敢有那移條欵。盜耕草場。及越出邊牆界石種田者。依律問擬。追徵花利完日。軍職降調。甘肅衛分差操軍民。係外處者。發榆林衛充軍。係本處者。發甘肅充軍。有毀壞邊牆。私出境外者。枷號三箇月。發落。○弘治九年。令給事中。御史。并戶兵二部。委官清查各衛草場。有草未墾去處。仍舊牧馬。已墾成田者。照畝收銀。解送兵部。轉發太僕寺寄庫。聽候買馬。○又令錦衣衛草場地畝。徵收租銀。許本衛

收貯貼補馬草

已上營衛放牧

洪武榜例。凡倒失馬匹。從民議和。或一縣或三五羣長。轉價買補。三歲以上。八歲以下。高四尺以上。堪中馬匹。還官。聽候驗印作數。違錯及遲延者。一體追駒。○宣德二年。令民間起解備用馬。中途瘦死。及邊軍孳牧馬倒死者。俱免陪補。○天順二年。奏准。各營騎操馬。遇有倒死者。告官相剝。坐營官責限。該軍朋合買補。走失被盜。一例追陪。○成化元年。令

各處買補孳生馬駒。有司四匹。軍衛五匹。折買堪操驕馬一匹。以充備用。例後倒失者。騾駒三匹。兒駒二匹。各折買驕馬一匹。騾駒每二匹。折買兒馬一匹。○七年。奏准。各衛軍餘關領馬匹倒死。以物力等第出銀。每馬一匹。上戶出銀三兩。中戶二兩。下戶一兩。餘以屯田子粒銀貼贖買補。○十三年。奏准。京營馬隊官軍。朋合出銀。遇馬匹倒失。貼助買補。凡馬主係都指揮者。出銀三兩。指揮二兩五錢。千百戶鎮撫二兩。旗軍一兩五錢。走失被盜

者各加五錢。謂之椿頭。其朋合每歲以六箇月為率。每月都指揮指揮出銀一錢。千百戶鎮撫七分。旗軍五分。在外各邊悉照此例。○凡各營下場及各邊倒失買補馬匹不及八分者。領

勅及把總管隊官住。俸追買。其在京不下場者。以五分為則。○弘治二年。奏准。買補騎操馬匹。須四歲以上。八歲以下。價自十二兩至十五兩。官軍自願漆價收買者聽。○三年。令寄養備用馬倒失買補不及五分者。掌印管馬官

俱住俸追補。○六年。奏准。各營朋合買馬銀兩不敷。每馬一匹聽支草場租銀三兩貼助。○九年。奏准。各處倒失馬駒。應買補者。遇孳生蕃息之時。量徵價銀解京。以備各邊買馬之用。犬馬一匹徵銀五兩。駒一匹倒失者徵銀三兩。虧欠者二兩。○凡騎操馬匹原領者。以承領日為始。買補者以印烙日為始。計在十五年外。許賣銀納官。另給其未及十五年而病者。亦准賣。仍追本身椿頭銀貼價買補。○凡各營馬買補三分不完者。把總等官住

俸一月。四分以上兩月。五分以上三月。坐營官通計三分不完者住俸一月。五分以上兩月。○凡府州縣買補馬匹不及五分者。正官住俸一月。不及四分者兩月。不及三分者三月。京縣不拘多寡。止住一月。其管馬官不及五分者全住。○凡孳生種駒已有六年。會議定額。其各處議合買馬銀兩。通行停止。有司官吏分毫不許擅科。

已上買補

凡孳生備用騎操折易并進納馬匹。俱印烙

以防奸弊。其孳生及陪納馬駒。應交俵者。印訖。差官照依地方日期。將空閑增出入丁。俵散領養。造冊具奏。其各處印中備用馬匹。徑解本部。發太僕寺交納。以憑散俵。○洪武舊例。江南馬。每年三月初一日。赴南京牧馬千戶所。印俵。江北馬。每年三月十五日。赴南京太僕寺印俵。凡孳生駒。用云字小印。俵散作種。用大印。給軍騎操者。再用云字印。○宣德八年。奏准。江北陪補馬駒。俱從南京太僕寺印烙。○正統四年。奏准。應天鳳陽等處孳生

陪補馬駒。南京太僕寺官同南京兵部委官及御史分按印俵。○九年。奏准。鎮江府所屬地方馬匹於本府。應天府所屬於牧馬千戶所。太平寧國廣德州所屬於太平府印俵。○成化十六年。奏准。凡馬非經官印驗者不收。○二十一年。奏准。買補備用馬。免其用印。止令起解。以備選擇。○弘治二年。奏准。孳牧備用牛。每三年一次差官印烙。○四年。奏准。凡印烙馬匹。民馬照舊印左。給軍則印右。如京營邊關馬無右印。即係盜買民間官馬。追究

問罪。○六年。令孳生兒駒。看驗不堪。及騾駒多餘者。俱免印烙。從其變賣。以充買補備用之數。○九年。令孳生駒。齒少力強。而不及四尺以上者。亦聽印俵。凡解俵馬。以百匹為率。退三十匹以上者。該管寺丞。叅問。○凡印馬官舊例。本部請

旨。點差公侯伯。或駙馬一員。本部委官一員。景泰間。革去侯伯等官。差御史二員。向兩京太僕寺。分管寺丞印俵。天順初。復差公侯伯。及御馬監內官一員。成化以來。革去內官侯伯。每

歲九月中請

旨差御史二員同該管寺丞分行印俵

已上印俵

洪武榜例各衛所府州縣管馬官員職專提調馬匹不許管署衛所府州縣事務及別項差占○永樂十一年令御史同錦衣衛官巡視官軍放牧馬匹○宣德四年禁官軍人等不許將官馬間時帶鞍騎坐馱載物件兩人共騎及婦人騎坐違者御史給事中同錦衣衛官拏送本部罰馬一匹仍送法司問罪○

凡盜賣官馬者追罰馬二匹知情和買牙保隣人各罰馬一匹宰殺及偷賣官驢者亦照此例首告者於犯人名下追鈔五千貫充賞凡巡馬官每三月一換○七年令外衛官軍原領騎操馬匹下班之日不許帶回○九年命兵部官同御史給事中點視征操馬匹借點及借與者共追馬一匹馬無見在及隱瞞不報者查追仍勘其冒支草料加倍追納○天順二年令官軍人等強奪起解馬匹者問罪罰馬一匹仍枷號一箇月○成化元年令下班

官軍應充馬匹。而私自騎回者。罰馬一匹。○四年。令官軍勇士私賣官給草料。致馬匹瘦死者。巡緝官緝拏。并買主送問。○六年。令管軍官將官馬撥送與人。跟隨迎送。或識字人騎占聽候。并賃借與人。致令傷死者。問罪。照宣德四年例。罰馬入官。在外各邊。並照此例。○十年。奏准。各處解馬赴京。有兜攬價真。將老馬攙雜驗印者。事發。俱問罪。發邊衛充軍。其起解馬。除例應折納外。有賚價赴京。通同收買者。問罪。○弘治二年。奏准。官司借用寄

養馬二匹者。罰一匹。五匹者。罰二匹。年終分
管寺丞。具有無追罰數目。奏報。○三年。奏准
管軍內外官。私占官馬。及借撥與人者。五匹
以下。降一級。以上降二級。俱發邊衛立功。借
者。一體論罪。○凡把總等官。剋減官馬草料
者。計贓滿貫。發邊衛立功。滿日。就彼帶俸。盜
賣者。發瞭哨。買至料豆十石以上者。充軍。○
凡寄養馬。除年老外。其餘作踐成疾。不堪給
軍者。原領人戶。追罰銀二兩。盜賣三匹以上
者。充軍。知情和買者。民發擺站。軍發邊方瞭

哨○五年。奏准各邊軍民將不堪馬匹設計
中賣及管軍官以私馬俵與軍士多支官價
者。官軍調邊衛帶俸食糧民及餘丁附近充
軍。通同作弊者。枷號一月發落○九年。令借
撥官馬至瘦損倒死。州縣五十匹。府二百匹
以上。借者及管馬官各降一級○十年。令管
軍官撥借官馬馱載圍獵者。五匹以下。罰馬
一匹。以上。罰二匹。十匹以上。罰三匹。傷死者
五匹以下。降一級。六匹以上。降二級。馬各抵
數追償○十四年。奏准。官軍關支馬料。委官

一員管領。若縱容盜賣者。發邊衛立功。滿日
就彼帶俸。買者。問罪畢日。枷號一箇月發落

已上禁約

洪武榜例。凡管馬官吏。時常下鄉提督看驗
馬匹。要見定駒若干。顯駒若干。重駒若干。明
白附寫。以俟太僕寺官出巡比較。正月至六
月報定駒。七月至十月報顯駒。十一月至十
二月報重駒。凡季報。原領馬為舊管。買補孳
生為新收。事故交俵等項。為開除。季終為實
在。春季三月二十四五。夏季六月二十四五。

秋季九月二十四五。冬季十二月二十四五。徑送太僕寺類繳。其有生質奇異與種馬不同者。明白申報。凡比較點馬文簿。要開原領孳生兒騾馬數。分豁該算駒者若干。不該算駒者若干。已生及未生者若干。原馬齒色及所生駒毛色。逐一開報。凡倒失種馬。虧欠馬駒。俱在年終完備。如是不完。府州縣正佐首領官吏。決杖二十。管馬官吏加等痛治。凡管馬官。有闡茸貪污害民者。分管及所在掌印官。開奏以除民害。○永樂三年。令衛所孳牧

騎操馬匹。每三年一次造冊。管馬官齎執赴京比較。○成化二年。奏准。管馬官三年任內。孳生不虧者稱職。額外多生者量加旌擢。不及額至百匹者降用。分管寺丞。以所屬課額虧增。迤為黜陟。○凡京營及各邊騎操馬匹。專差太僕寺少卿一員。無太僕寺去處。從巡撫。并分巡官比較。如有倒失。限三月以裏。督令賠償。○七年。奏准。府州縣掌印首領官。任內馬匹虧欠。孳養不增者。九年不准給由。措置完日。與管馬官一體降用。衛所掌印官馬

數不完。許分管寺丞與本部委官一體比較。○十三年奏准。各營各邊每年四月十月二次。將原領事故買補馬匹數目具奏。以憑比較。○十四年奏准。比較馬政。兩京府尹府丞聽納米贖罪。○弘治二年奏准。每二年。差太僕寺少卿二員。南京太僕寺少卿一員。分往北直隸。河南。山東。南直隸地方。比較該納馬駒。每歲終。分管寺丞具管馬官賢否呈部。六年之內。馬匹無虧者。量加旌擢。以外虧損數多。照例黜罷。○三年。順天府所屬寄養馬匹。

專差太僕寺少卿一員比較。○四年奏准。衛所騎操馬免比較。其有孳牧去處。照例每三年。委官赴部比較。凡虧欠埋沒違限等項。參奏提問。○凡遼東陝西苑馬寺孳牧馬匹。每三年一差官點閱。其各行太僕寺苑馬寺。於內府關領精微文簿。將騎操孳牧馬匹。逐一填寫繳部送

內府交收

計每年比較地方

太僕寺所屬

南京太僕寺所屬

計三年比較地方

遼東苑馬寺所屬

山西行太僕寺所屬

陝西行太僕寺所屬

陝西苑馬寺所屬

甘肅行太僕寺所屬

南京應天衛

南直隸宣州衛

山東

濟南衛

平山衛

登州衛

寧海衛

成山衛

鰲山衛

靈山衛

安東衛

威海衛

大嵩衛

濟寧衛

臨清衛

靖海衛

奇山千戶所

寧津千戶所

海陽千戶所

膠州千戶所

諸城千戶所

東平千戶所

肥城千戶所

浙江

盤石衛

海寧衛

江西

袁州衛

饒州千戶所

廣東

雷州衛

廉州衛

四川

成都右衛

成都中衛

建昌衛

建昌前衛

寧番衛

越雋衛

會川衛

鹽井衛

湖廣

武昌衛

武昌左衛

靖州衛

五開衛

沅州衛

九溪衛

長沙衛

清浪衛

黃州衛

銅鼓衛

永定衛

蘄州衛

平溪衛

永州衛

衡州衛

辰州衛

岳州衛

沔陽衛

常德衛

鎮遠衛

偏橋衛

施州衛

澧州千戶所

荊州衛

荊州左衛

荊州右衛

襄陽衛

安陸衛

房縣千戶所

竹山千戶所

枝江千戶所

長寧千戶所

瞿塘衛

夷陵千戶所

德安千戶所

忠州千戶所

雲南

雲南左衛

雲南右衛

雲南中衛

雲南前衛

雲南後衛

廣南衛

曲靖衛

六涼衛

平夷衛

越州衛

臨安衛

楚雄衛

洱海衛

大理衛

大羅衛

蒙化衛

景東衛

瀾滄衛

金齒衛

騰衝衛

楊林千戶所

馬隆千戶所

木密關千戶所

宜良千戶所

安寧千戶所

易門千戶所

已上比較

關換

諸司職掌

凡官軍關撥馬匹操練行移到司須要該衛官吏保結關馬官軍原有馬匹下落果係曾經征進慣戰人數及無馬匹方纔具奏關撥

後有事故該衛拘收還官其官軍人等奉旨關撥馬匹亦須備知數目

事例

洪武間凡各衛原關馬騾驢轉名銷號若係御馬監關領者該府各衛自具手本赴監轉名銷號如是典牧所太僕寺關領之數各府衛取勘明白行本部轉行太僕寺典牧所銷號○永樂四年令管步軍官告關馬者不准有騾馬與兒馬願換者聽○宣德四年置給馬勘合每關馬一匹給勘合一道填寫齒色

年月付領馬之人收執。遇倒死等項陳告註
寫。應償者追視齒色。附簿開註。勘合與馬如
前收領。再有事故。照例償給。如領馬之人有
故。馬及勘合。從所管轉付應得之人收領。凡
應償者。仍赴御馬監印烙。然後給與。○正統
四年奏准。官軍領馬騎操。必行本衛造冊送
部。并太僕寺。外衛操備者。行該府造冊關領
。○天順元年奏准。各營外衛官軍。原領騎操
馬匹。下班之日。先與在京官軍。該管官造冊
送部。○二年奏准。官軍領馬。太僕寺具俵過

數目毛齒。及官軍姓名年月。行各衛造冊送
部。如關領數多。開報數少。或倒失轉交。隱匿
不報者。許諸人首告。拏問。○成化二年。令勇
士馬倒死二次者。不許重關。照京營例追補
。○弘治元年奏准。南京官軍應關馬匹。在江
北者。赴南京太僕寺給領。在江南者。本寺委
官一員赴南京給散。○四年奏准。領馬官軍。
有不照次第。混亂爭奪者。參送法司問罪。罰
馬一匹。就給本身騎操。以後更不關給。○七
年奏准。官軍應關馬匹。兒馬自八歲以上。驕

馬十二歲以上。別無傷殘者。並准給領。各衛及邊關。亦照此例。凡各邊缺馬。騎操奏關銀兩收買者。本部委官一員。同太僕寺官。於收貯馬價內。照數支出。差官運赴鎮巡官處交收。○凡騎操馬老病當關給者。原馬送光祿寺支用。

折糧

諸司職掌

凡各處起解折糧馬匹到部。須令獸醫辨驗明白。具奏送御馬監交收。

事例

洪武中。各處土官衙門秋糧。各依原認數目折納馬匹。有糧二十五石有餘。折馬一匹者。有五十餘石。折馬一匹者。馬或不堪。責令差來土官陪納。

收買

諸司職掌

凡官給價鈔於各處收買。并茶易到馬匹。或就彼處給軍騎坐。或起解赴京交納。須知其數。

事例

洪武中。立茶馬司於陝西。四川等處。聽西番納馬易茶。降金牌信符。賜番簇以防詐偽。每三年一差官。召各番合符。以應納差發馬。交納易茶。有以私茶出境者。斬。關隘不覺察者。處極刑。民間畜茶不得過一月之用。茶戶私鬻者。籍其園入官。○二十三年。定茶易馬例。上等馬。每匹一百二十斤。中等馬。每匹七十七斤。下等馬。每匹五十斤。○永樂十三年。遣御史三員。巡督陝西茶馬。○正統十四年。停止

茶馬金牌。後每歲遣行人四員。巡察私販。自潼關以西。至甘肅等處。通行禁革。○成化十四年。奏准。定差御史一員。領

勅專理茶馬。每歲一代。其易馬。須四歲以上。六歲以下。高大堪中者。方准收買。兒驕馬。就彼給各邊騎操。騾馬。送苑馬寺孳牧。如有縱容軍民。通同中賣老病馬匹者。御史同兵備及苑馬寺官。驗視退回。仍指實參奏。○弘治十年。奏准茶易馬。除就彼給軍外。其餘差官陸續解赴苑馬寺交割俵養。

已上西番茶易

永樂三年。立遼東開原。廣寧馬市。定價。上上馬。絹八疋。布十二疋。上馬。絹四疋。布六疋。中馬。絹三疋。布五疋。下馬。絹二疋。布四疋。駒。絹一疋。布三疋。其立市。一於開原城南。以待海西女直。一於開原城東。一於廣寧。以待朵顏三衛。各去城四十里。○九年。定開平馬市價。上上馬。一等絹五疋。布十疋。一等布十八疋。駒子布五疋。○十年。令遼東缺馬官軍。聽於各馬市照例收買。○十五年。重定遼東互市。

馬價。上上馬一匹。米五石。布絹各五疋。中馬米三石。布絹各三疋。下馬米二石。布絹各二疋。駒米一石。布二疋。○正統十四年。革朵顏三衛互市。○成化十四年。奏准。遼東馬市。聽海西。并朵顏三衛夷人買賣。開原。每月初一日。至初五日。一次。廣寧。每月初一日。至初五日。一次。十六日至二十日。一次。各夷將馬匹物貨。赴官驗放入市交易。不許通事人等。將各夷侮弄。虧少馬價。及偷盜貨物。亦不許撥置夷人。以失物為由。詐騙財物。敢有擅放夷

人入城。及縱容無貨人入市。有貨者在內過宿。規取小利。透漏邊情。違者俱問發兩廣烟瘴地面充軍。遇赦不宥。
已上遼東互市

內府供應

事例

凡壩上諸馬房各有乳馬以供

上用膳羞。如有老疾倒死。本部奏行太僕寺撥補。○永樂舊例。每歲於陝西茶易馬及孳生馬內。選取堪中騾馬。送御馬監。分送各馬房領牧。

以備取乳。○天順元年。奏准。歲選孳牧騾馬五百匹。○成化九年。定取初生騾馬。每年一百匹。○弘治九年。奏准。每歲取五十四匹。

力士校尉

諸司職掌

凡力士。校尉。俱係隨

駕人數。於民間丁多相應人戶內。僉點有力精壯。無過犯體氣之人。應當。皆撥錦衣旗手等衛着役。如有事故。即照原籍另戶僉補。如解到部。照依所補姓名。送發該衛。果係在逃正身。

就送該衛發落。若正身不獲。解到戶丁。照地方發遣充軍。仍挨勾正身。

事例

凡力士。舊隸旗手衛。今亦隸錦衣。及騰驤四衛。校尉止隸錦衣衛。○凡力士校尉。係民間僉充者。例不勾丁。如有老疾。聽於歲終具告本部。行該衛勘明。具奏釋放。若逃回病故。或老疾不堪者。仍勾其戶丁補當一輩。若係原祖充當而在逃者。發冊清勾到部送問。發衛着役原逃事故。解到戶丁補役者。發衛查收。

凡四丁抽僉者。病故俱勾補。○凡力士校尉病故。或老疾不能應當。其子孫告替補者。行移該衛查係在營生長。冊籍有名。無違碍者。具奏收役。雖例不勾丁。而子孫願替補者。亦准查收。○凡民人投充力士校尉者。行原籍官司查無違碍。方准收役。○凡人材不識字者。改充力士校尉。女戶

欽陞官員子孫。例無承襲者。將軍子試量身力不及者。俱收充校尉。○凡遇

親王出府。行錦衣衛撥隨侍校尉六百名。

郡王出閣。行各該護衛撥校尉三十名。無護衛於各衛軍餘。及民間僉點其將軍以下。撥儀從二十名。不得用校尉。○弘治七年奏准。

親王隨侍校尉。至就國之日。聽以一半從行。於附近衛所撥軍餘補數。其一半存留在京。以備各

王出府聽用。○凡各

王府校尉除

欽賜外。其民間投充者。止免差役。不許支糧。○十三年。奏准。凡校尉事故。須籍冊內親子弟姪替

補。若將別姓詐冒替補者。問罪。官旗調外衛差操。冒替之人亦調衛充軍。○凡校尉犯該一應姦盜。搶奪。誑騙。恐嚇。求索。枉法。不枉法等項罪名。但係行止有虧者。俱調衛充軍。○凡詐冒校尉巡捕名色。占宿公館。妄擊平人。嚇取財物。生事扇惑。擾害軍民者。除真犯死罪外。其餘俱枷號一箇月。發邊衛充軍。所在軍衛有司驛遞等衙門。阿從故縱者。各治罪

大明會典卷之一百二十二

大明會典卷之一百二十三

兵部十八

武庫清吏司

諸司職掌

郎中員外郎主事掌邦國戎器儀仗辨其出入之數

軍器

諸司職掌

凡內外官軍合用衣甲鎗刀弓矢等器必須總知其數如遇各衛移文到部申索轉行工部定奪關撥

事例

凡侍衛大漢將軍披執明盔四十八頂明甲二十四副紅肩纓二十四副金瓜四十八把。茜紅雨籠二十四箇茜紅氈襖二十四領旗將軍明甲八十四副尖頂明盔八十四頂紅肩纓八十四副紅滾刀二十八把瓜五十六把。摩挲刀五十六把茜紅雨籠八十四箇茜紅氈襖八十四領五軍將軍尖頂明盔二百五十四頂盔攢全明甲二百五十四副肩纓條號全硃紅靴滾刀二百三十七把鞋帶全。

摩挲刀四十五把鞋帶全金瓜四十四把紅漆皮盔七百二十三頂盔攢全青布絲穿甲七百二十五副長柄黑刀三十九把鞋帶全長柄紅刀五十九把鞋帶全腰刀五百五十三把鞋帶全鵝頭刀三十七把鞋帶全米昔刀二把鞋帶全弓五百二十五張弦五百二十五條撒袋五百二十五副鞋帶全箭一萬四千七百五十枝茜紅盔籠二百五十四箇茜紅氈襖二百五十四件府軍衛帶刀官紵絲帛線甲四十副摩挲刀四十把圍子手

官軍。義。五百把。滾刀。五百把。硃紅皮盔。一千頂。青布鐵甲。一千副。通計二萬三千九百三十七件。

皇城內外。并京城各門。守直。守衛。守鎮官軍。披執。盔。甲。鎗。刀。等器。共二萬八千三百五十二件。其侍衛將軍。并圍子手軍器。俱三年一次兌換。守衛等項官軍軍器。

午門等門一面。每年一次兌換。

東華。西華。玄武。等門三面。二年一次兌換。

凡團營官軍。披執操練。盔。甲。弓。箭。等項軍器。

成化間。令各該坐營官。委官會造寄庫。有警。徑自奏請支用。

凡京城九門。并城上。常川擺列張掛軍器。正陽門神銃六箇。長鎗二十根。滾刀十八把。門旗四面。崇文。宣武。等八門。每門神銃六箇。長鎗六根。滾刀十四把。門旗二面。更鼓各一面。共三百六十一件。城上布旗。大小共二百七十六面。拽旗繩。并挑竿纓頭全。遇有損壞不堪。守門內外官。徑自奏請兌換。

凡海運隨船軍器。洪武間定。每船黑漆二意。

弓二十張。弦四十條。黑漆鈇子箭二千枝。手
銃筒二十六箇。擺錫鐵甲二十副。碗口筒四
箇。箭二百枝。火鎗二十條。火攻箭二十枝。火
叉二十把。蒺藜砲二十箇。銃馬一千箇。神機
箭二十枝。

凡各邊合用盔甲。弓箭等項軍器。俱於各處
都司所屬衛所。歲造數內關用。如果不敷。及
軍情緊急添設者。赴京請給。
凡勝字。夫威。并列字等號。飛鎗。神銃等項火
器。俱係

內府兵仗局掌管。都司衛所季造。止是編降字號。
手把銃口。其各邊城堡所用大將軍。三將軍。
三將軍。并手把銅鐵銃口。一出頒降。若銃口
損失。并給用不敷者。鎮守巡撫官具數會奏。
方許自造。若一時急缺。奏請亦從。

內府領給

勘合

諸司職掌

凡本部應有行移。并催攝一應公務。湏將出
事緣由。開寫手本。赴

內府關填勘合。照會各布政司。劄付直隸府州。務要將坐去事件施行。作急回報。每遇年終查理。但有未完事件。將各司府州承行官吏。具奏提問。務要完結。

事例

洪武間。每布政司并直隸府州。各給勾軍勘合一百道。底簿二本。都司收勘合并底簿一本。一本發布政司直隸府州。凡遇勾軍。都司填寫勘合。差人賫付各該官司。比對字號。著落有司勾發。所差人員。不許下鄉。若遷延占

悞。罪坐有司。直隸衛分一體編置。年終都司衛所。將本年勘合分豁已未完數。造冊進繳。若齎無勘合文書勾軍。及有司承行者。依不比對關防勘合例治罪。其在京衛分。兵部關給。正統初。勾軍止。據各衛所造冊申部。轉發清勾。不用勘合。○永樂七年。令紫荆居庸。古北。喜峯。董家。山海等六關。各給勘合一百道。以禮樂射。御書數字為號。北京留守行後軍都督府。行在兵部。皆用印鈐記。兵部底簿并勘合送

內府都督府底簿付關口。各邊公差者必得
內府勘合照驗。方許出關。無者從守關官執奏。各
邊調軍勘合。以勇敢鋒銳神奇精壯強毅克
勝英雄威猛十六字為號。并底簿留

內府給號簿一本與邊將遇有

制勅調軍。比對勘合字號相同。方許奏行。如有
制勅而無勘合。有勘合而比號不同者。皆為詐偽

給聚

諸司職掌

凡文武官員并軍士人等。搬取家小完聚。行

移所在官司起取。審實送發完聚。或有陳告
父母兄弟伯叔子姪。先因遠年兵革離散。今
知下落。告取完聚。須要行移所在官司體勘
相同。以憑給聚。其有應給之人。見當軍役。具
奏定奪。及軍屬寡婦還鄉。行移應天府給引
照回

事例

洪武間。令武職有伯叔兄弟及姊妹之夫。在
行伍者。皆與給聚。分俸養贍。○宣德初。令被
虜回還留京充役者。其原衛見有父母妻男。

許令搬取完聚

大明會典卷之一百二十三

大明會典卷之一百二十四

兵部十九

根捕逃軍勾補軍士

國初逃故軍役。根捕勾補。具見諸司職掌。宣德初。又有畫一條例。正統以來。累有增損。今條具于後。其有係職方司所掌者。別開于職方之下。

諸司職掌

凡各衛所開報逃故。并老疾勾丁代役軍人。先須查對鄉貫住址明白。具手本赴

內府給批。差人前去着落有司官吏。逃軍。根捉正

身。如正身未獲。先將戶丁起解補役。仍根捉正身補替。其故軍勾取戶內壯丁補役。如別無壯丁。止有幼小兒男。取官吏保結回報。行移該衛照勘相同。紀錄候長成勾補。若送回老疾軍人。就留原籍住坐。將戶下壯丁起解替役。如勾無戶籍。或住址差拗。名姓不同。或係另籍民戶。及有戶絕無丁。有司體勘回申到部。行移該衛照勘在營。有無長幼人丁。并着落原管官旗務。要挨究明白回報。定奪勾補。若衛所官吏。并老疾軍人。朦朧妄報。依律違限。送法司問罪。

大明令

凡軍民以籍為定。軍官頭目。無得巧立名色。徑行勾捉百姓充軍。民戶亦不得詐稱各官軍人貼戶。躲避差役。果有在逃軍人。在內申奉都督府。在外申奉中書省。明文方許勾取。

事例

洪武二十一年。令各衛所將逃故軍。編成圖

冊送本部照名行取。不許差人。各府縣類造軍戶文冊。遇有勾丁。按籍起解。○二十二年。令各處逃軍。能擒獲一名者。賞鈔三十錠。隱藏出首者二十錠。見在軍知而首者十錠。為事充軍。逃回捕獲者五錠。隱藏及轉送者。全家發金齒充軍。逃軍自首者。免罪復役。官吏不即起送。縱容害民者。處死。○二十三年。令生負應補軍役者。除豁遣歸卒業。軍士借撥征進事故者。征進逃故軍男年一二歲者。流民全戶充軍。病故者。俱免勾丁。○二十四年。

令垛集軍故戶止一丁者。勾有丁貼戶起解。軍去原衛遠者。解京該府遣人押送。若路順及與京師道里均者。從便解發。○二十七年。令武職充軍病故。子襲原職者。開伍。○二十九年。令垛集軍有幼男在伍者。免勾丁。生負應起解者。送翰林院考試。成效者。開伍發回讀書。不成者。照舊補役。○三十五年。定垛集軍正軍貼戶。造冊輪流更代。貼戶止一丁者。免役。當軍之家。免一丁差役。○永樂二年。令坐勾軍。有見任文武官及生負吏典等。戶止

三丁者免勾。四丁以上者。勾一丁補伍。○十七年。令勾軍人違限半年以上者。充軍。○洪熙元年。令軍役丁盡戶絕者。具官吏結報。該衛轉行府部開豁。先為事充軍。後薦起為官者。不拘見任。致仕病故。俱免補伍。○宣德元年。奏准。凡逃軍三月不首者。并里鄰人等問罪。就點親鄰管解。窩家發附近充軍。係軍籍者。發邊衛。能自首者。止罪逃軍。遍送隱藏者。烟瘴衛分充軍。官司故縱者。論如律。○凡逃軍未獲。起解戶丁。若清冊未到之先獲解。而

未至衛所者。仍選戶丁解查。未到即收補伍。候正身到日。釋放寧家。○凡逃軍不許以告狀為由。遷延生事。有應訴事情。令家人代理。若長解人中途侵損。許告所在官司究治。仍速將逃軍接遞。○凡軍戶有丁而偽作無勾者。許改正免罪。仍扶捏回申者。軍發邊衛。里鄰發附近充軍。○凡起解逃軍戶丁。須量地立限。逾解。若長解縱容。違限半年以上者。依律問罪。一年以上者。發附近充軍。犯人發邊遠充軍。○凡起解自首并補役軍丁。出一千

五百里之外者。經過有司。每人日給行糧一升。過期不與。不首逃軍。及腹裏衛分。不及千五百里者。不在此例。○凡勾軍人。違限過一年者。許巡按按察司官。拏解赴京問罪。違法情重者。不限年。○三年。奏准。凡軍逃還鄉。有詐死更名。充吏卒僧道等項。及隱寄丁口。立戶他方者。並許自首改正。其詐稱名目。寄住影射。致原籍本衛兩無挨尋者。追獲自首。俱收寄本處衛所。他人告發者。與窩家里鄰官吏人等。俱照例問罪。仍追本犯銀十兩充賞。

○凡軍戶有充糧里老人。賄賂官吏及勾軍之人。朦朧保勘。或里老亦係軍戶。遍相欺隱者。並許改正。違者。正軍發原衛。戶丁再罰一丁。發附近充軍。○凡山西等處抽丁等軍。有賄賂官吏。將幼弱私自輪替者。許原籍究捕。同伍指陳。并事內作弊之人。依律論罪。○凡軍士全家逃竄。里鄰知而容隱者。限半年首獲。過期事覺。軍發邊衛。里鄰發附近充軍。○凡囚充及調衛軍。問招更調。有更易名貫。隱匿丁口者。其後逃故。衛所行勾。有司回無名。

籍似此迷失者。並許自首免罪。若他人發覺。軍調烟瘴衛分。仍選戶丁補充原伍。○凡紀錄軍年。應赴伍而衛所在千里之外者。許於附近收役。行原衛開伍。○凡起解軍。多給家人文引。照身逃回者。限三箇月自首。違者發邊衛充軍。仍勾戶丁補原伍。里鄰及官吏論罪。○四年。令在京各衛軍。本部委官同給事中御史清理。○凡軍有征差等項。死亡不明。槩作逃移者。保勘開豁。其不知下落。經三次以上保明者。依故軍例停勾。○凡勾軍不許

泛遣孤單無籍之徒。如違限二年以上者。官負追俸。旗軍選戶丁補伍。再限一年。以所勾軍赴京違者。全家調別衛。其勾軍須填勘合。不許以關牒批帖。徑行有司。○凡應勾軍有賂官吏。隱蔽壯丁。以家人女婿之類。冒名代解者。奸民私通軍士。招贅其戶丁及過房典賣影射徭役者。並許改正歸宗。違者官吏坐罪。本犯全家調別衛充軍。代者就收補原伍。如果無壯丁。方許以少壯義子及同籍女婿補役。○凡應繼壯丁。故自傷殘肢體者。許鄰

里拏首全家發烟瘴衛所充軍○凡軍戶疎族及異姓人舊為同籍分析後充軍者止於有罪人戶下勾丁。若聞親屬充軍。妄為文憑作分戶在前。及祖孫父子異居并食糧年久者不許。若同籍人生前各自充軍。有故儘本房勾補。無則以他房三丁以上者補。後不及三丁者。以其本房丁盡事由行本部開豁○凡招募諸色人。係全戶充軍。有故照名勾補者。先以一人解發。具實只有戶丁申部議奏處分○凡正軍在營有丁。不許於原籍勾取。如

已行文。有司覈實回報本衛。以在營之丁收役○凡義男女婚。有代義父妻人之家為軍者。有故止許於義父妻父之家勾取。如係戶絕。覆實開除。若出幼過房出贅各家俱屬正軍。無丁者宜以妻父義父之家為戶。絕遠繼本宗。如本宗係民。仍補義父妻父軍役。其官負軍民之家。有家人義男女婚之類。自願投軍。或為事編發者。有故止於其人本房勾補。本房已絕。覆實開除○凡故軍戶止一丁充生負者。照洪武二十九年例。考試開豁○凡

僧道為事充軍故者免勾丁。若故軍戶止一丁。在充軍之先為僧道者。覆實開豁。在後者仍發充軍。○凡丁盡戶絕軍。及山後人。查無名籍者。軍衛有司會勘。造冊繳部開豁。○凡逃軍每季或半年一類勾。死亡及殘疾者。歲一類勾。○五年。令應充軍之人。有父母年七十以上。及篤廢殘疾者。許於附近衛所收役。○七年。令故軍戶止一丁為見任官者。開伍。○正統元年。奏准。凡內外都司衛所。不許填給勘合差人勾軍。止以逾年逃故等軍姓名。

貫址。造冊繳部。轉發御史。按籍清勾。其清軍御史。按行所至。司府州縣。各委官一員。將應勾軍丁。分投清解。御史往來巡督。除軍政外。一應詞訟。發該管衙門問理。每歲八月終。照巡撫官事例。具清解過軍數回京。如有窒礙事理。會議奏請。○凡解軍丁逃軍。須連妻小同解。違者問罪。無妻小者。解本身。○凡抽丁。塲集軍。先前私自輪替者。選壯丁連妻解衛。果有老疾等項。方許替勾。○凡被勾貧軍。挈家流移。招回復業者。該解軍丁。俱候次年起。

發係原逃者不准。如止附近潛躲者依律究問。○凡起解軍先過該管都司者即於本司交割。先過本衛者交本衛。官吏隨與批迴。有留難者從御史究問。批迴詐偽者有司辨驗問罪。○凡內外衛所官有將殷實軍占作軍伴賣放買閑。新勾軍不行存卹。抑逼在逃者軍士事故管軍官不將在營人丁收補。及以見役軍妄作事故者。清軍官具奏提問。○凡逃軍及已解軍在家潛住者。父祖充軍。子孫畏繼於別州縣過繼作贅冒籍。而以丁盡戶

絕回申。或充軍在役。而原戶人私開作民戶者。並限兩箇月具首免罪。如違軍杖一百。發烟瘴衛分里隣人等發附近充軍。○凡浙江并江南直隸等衛所。清出帶操軍士。除原係廣西南丹奉議潯州等衛者。發回原伍。其餘悉收充正軍。行部轉行原衛開伍。若先在逃者。仍發原衛。附近不許擅收。○凡勾軍人潛回原籍。糧里容留者。照窩藏逃軍例問發。○二年。議准。凡逃軍殘疾。并年六十以上者。收贖依親。別選戶丁解補。如止有幼丁。照例紀

錄○凡逃軍未獲。暫勾戶丁發。附近寄操者。正犯到日。即與開除。○凡軍人中途病故。解人即告所在官司相埋。官給文憑。付解人送妻小復還原籍。別選壯丁解補。○凡軍籍丁盡戶絕。已經三次回申者。即與除豁。不許發冊重勾。○凡兩司府州縣清軍官。專一清理軍伍。每干預他事。其宣德五年以後逃軍。及勾取戶丁。妄比事例。輒按附近寄操者。俱收發原伍。○凡逃軍軍丁。解後復逃者。連妻小押赴原衛。如解人脫放。就發補本軍原伍。本

軍得獲發邊遠充軍。其軍丁已解清冊後到者。取鄰里保明。行衛查勘。不必重解戶丁。○凡勾補軍丁在逃。解人發附近充軍者。事故免勾丁。○凡妄指遠年民籍作軍戶者。諸司不許准理。○四年。令北人充南軍。南人充北軍。除遼東萬全山西陝西等處邊衛逃軍。及近年土豪鹽法編發充軍不動外。其餘清出軍丁。各就地方改解附近衛分。若南人充南軍。北人充北軍者。不在改調之例。

計改調衛所

北直隸

順天府調三萬衛

大名府調定遼中衛

順德府調定遼左衛

廣平府調定遼右衛

河間府調鐵嶺衛

真定府調義州衛

保定府調瀋陽中衛

永平府調遼海衛

南直隸

鳳陽府調宣府左衛

揚州府調宣府前衛

淮安府調宣府右衛

廬州府調萬全左衛

徐州調萬全右衛

和州調永寧衛

滁州調懷安衛

安慶府調隆慶左衛

已上俱原充兩廣雲貴四川湖廣福建邊海衛分軍役

應天府調大興左衛

太平府調義勇右衛

鎮江府調義勇前衛

蘇州府調武成中衛

常州府調燕山左衛

松江府調燕山右衛

徽州府調武成前衛

寧國府調武成後衛

池州府調神武左衛

廣德州調燕山右衛

已上俱原充遼東山西陝西寧夏等衛軍後

山東布政司

濟南府調定遼前後二衛

兗州府調海州衛

萊州府調蓋州衛

登州府調復州衛

東昌府調東寧衛

青州府調金州衛

已上俱原充兩廣雲貴四川湖廣福建邊海衛分軍後

河南布政司

開封府調保安衛

河南府調萬全左衛

彰德府調開平衛

衛輝府調龍門衛

懷慶府調龍門守禦千戶所

汝寧府調懷來衛

南陽府調美峪守禦千戶所

山西布政司

太原府并沁州俱調大同右衛

平陽府調大同左衛

大同府調天城陽和二衛

澤州調大同前衛

汾州調高山衛

潞州調大同後衛

遼州調安東中屯衛

陝西布政司

西安府調永昌山丹二衛

延安府調寧夏前衛

鳳翔府調涼州衛

鞏昌府調鎮番衛

平涼府調西寧衛

慶陽府調寧夏中衛

漢中府調莊浪衛

已上俱原充南方極邊衛分軍移

廣西布政司

桂林府調潯州衛

柳州府調南丹衛

梧州府調馴象衛

潯州府調河池守禦千戶所

南寧府調慶遠衛

平樂府調向武守禦千戶所

慶遠府調南丹衛

太平府調柳州衛

田州府調柳州衛

思明府調武宣守禦千戶所

江州府調慶遠衛

泗城州調懷集守禦千戶所

龍州調南丹衛

南丹州調向武守禦千戶所

廣東布政司

廣州府調南寧衛

惠州府調容縣守禦千戶所

肇慶府調武宣守禦千戶所

韶州府調鬱林守禦千戶所

南雄府調梧州守禦千戶所

瓊州府調灌陽守禦千戶所

潮州府調桂林中衛

雷州府調賀縣守禦千戶所

廉州府調柳州衛

高州府調桂林右衛

貴州布政司

思州思南鎮遠三府俱調赤水衛

石阡銅仁黎平三府俱調安莊衛

普安鎮寧永寧安順四州俱調興隆衛

雲南布政司

雲南府大理府俱調金齒衛

臨安府曲靖軍民府俱調景東衛

楚雄澂江二府俱調蒙化衛

姚安鶴慶武定三軍民府俱調廣南衛

廣西廣南二府尋甸元江二軍民府俱調

洱海衛

金齒軍民指揮司麗江軍民府永寧孟定
孟良景東順寧五府俱調騰衝守禦千戶
所

湖廣布政司

寶慶府調五開衛

辰州府調銅鼓衛

衡州府調九溪衛

永州府調鎮遠衛

靖州調五開衛

郴州調偏橋衛

常德府調豹韜衛

長沙府調龍虎衛

荊州府調鎮南衛

岳州府調龍江右衛

武昌府調行在府軍衛

黃州府調行在虎賁左衛

漢陽府調行在旗手衛

德安府調行在金吾前衛

襄陽府調燕山前衛

沔陽州調濟州衛

安陸州調濟陽衛

江西布政司

贛州府調廉州衛

南安府調碣石衛

建昌府調和陽衛

撫州府調武德衛

袁州府調水軍左衛

吉安府調水軍右衛

廣信府調應天衛

九江府調行在羽林左衛

南昌府調行在羽林右衛

饒州府調行在府軍左衛

瑞州府調行在金吾後衛

南康府調行在府軍右衛

臨江府調通州衛

福建布政司

福州府調南海衛

邵武府調雷州衛

建寧府調潮州衛

延平府調海康守禦千戶所

興化府調清海守禦千戶所

泉州府調龍川守禦千戶所

漳州府調廣海衛

汀州府調海門守禦千戶所

浙江布政司

温州府調鎮海衛

台州府調鎮東衛

處州府調平海衛

嚴州府調鷹揚衛

金華府調江陰衛

衢州府調橫海衛

寧波府調龍江左衛

杭州府調蔚州左衛

湖州府調神武後衛

嘉興府調神武中衛

紹興府調義勇中衛

四川布政司

成都府調會川衛

重慶府調寧番衛

順慶府調越雋衛

保寧府調建昌衛

敘州馬湖二府調鹽井衛

夔州府調建昌前衛

瀘州調鹽井衛

潼川州調迷易守禦千戶所

嘉定州調會川衛

雅州調寧番衛

龍州調建昌衛

眉州調建昌前衛

已上俱原充遼東山西陝西寧夏等衛軍役

十三年。令挨無籍貫軍。經十次回申者。開豁

○景泰元年。令官軍戶下多餘人丁。有例除

存留幫貼正軍外。其餘俱許於附近有司寄

籍。納糧當差。中間有一家或三五人。十餘人。

止用一二人寄籍有司。其餘隱蔽在家。不分

年歲久近。除其該納糧草。仍於有司上納。其

人丁盡數發回軍衛。○天順四年。令京軍及

邊衛逃軍。仍解兵部。撥防軍轉遞。其餘及邊

衛勾解戶丁。徑送該衛交割。○成化八年。令

在京軍每三年一清理。各營軍士。仍分豁差

遣等項名目。造冊備照。○十年。令凡衛所編造軍冊。每年限五月以裏。差有職役人負送部。違者照官軍馬騾文冊例罰米。當該官吏論日住俸問罪。若造冊三分不完者。官罰俸一月。該吏提問。如官吏依限發冊。而所差人自違悞者。止坐本人。○十一年。令各衛所。以原管旗軍。不分見在逃故。備開充軍脚色。改調緣由。并節次補役姓名通類。造冊繳部。發御史對查軍民二冊。以防欺隱。其冊府州縣各騰一本備照。○凡冊勾軍士。係本地者。清

冊徑送清軍御史。仍將底冊繳部存照。○凡清軍以十分為率。能清三分以上。不枉平民者。御史及兩司官。兵部奏請獎擢。府州縣官。量加俸給。不及數并枉人者。御史從都察院考察。兩司官。兵部參奏。府州縣官。行吏部黜責。○十二年。令調衛軍戶下餘丁。寄籍附近。有司者。免其起解。聽留一丁於有司。種辦田糧。其餘悉收原衛所操守。如後調衛所缺人。行原衛餘丁內取解。不許於原籍勾擾。其調衛在千里之內者。餘丁照例回營。○凡塚集

軍有陞官者其貼戶停勾聽繼。遠年無勾軍。審究得實。行該衛查勘。不必起解戶丁。○十三年。令起解軍除子孫應繼者。令津貼軍裝。但有職役者不許勒取。○凡廣西鄰近賊洞處所軍丁。有該解遼東等衛。并千里之外者。及失迷鄉貫之人。願充無勾軍役者。俱編本處邊衛當軍。行移原伍開豁。○凡收發附近軍士。除天順六年四月十九日以前編定不動外。以後告投者不許。其在附近處所逃者。依正統二年例。連妻小押解原衛。○十九年。

令騰驤四衛軍士戶絕。不必勾丁。○弘治十三年。奏准京衛及在外衛所解到新軍。以投文日為始。不過十日。將收管批迴。給付長解。若刁蹬留難者。該吏軍吏總小旗提問。衛所掌印。并本管官。不拘曾否得財。叅問帶俸差操。○凡在京在外衛所親軍官。貪不能存恤軍士。逼迫在逃。及賣放回還者。指揮每十名以上。降一級。千戶鎮撫每六名以上。百戶四名以上。依例遞降。○凡各處清解軍丁。選擇精壯。親丁。僉點相應。長解批內。明開相貌。年

甲。在京者起解兩京兵部。在外者徑解該衛。若不係同宗子孫。頂替起解。及將長解正身賣放在家。執批前來雇人頂名者。正軍問調別衛。頂軍就收本衛。長解并受雇之人。及里老鄰佑知情不首者。俱發附近各充軍。○凡各處解到新軍。查無名籍。及來歷姓名差拗者。俱暫收缺軍所分食糧差操。行查至日另為定奪。○凡起解軍士。捏買偽印批迴者。除真犯死罪外。解人發附近軍士調邊衛。各充軍。○凡應解軍丁。除真犯死罪外。若犯監守。

常人盜竊盜。搗摸搶奪。至徒罪以上者。牢固釘解該衛收伍。轉發守哨。年限滿日着役。其犯別項徒罪以上。俱止杖一百。解發着役。○凡官軍軍丁。有將戶內弟姪子孫過房與人。或官豪勢要和買。改易姓名者。不分久近。許其贖。及歸宗聽繼。無得占悞。其誘買各邊軍丁者。發極邊充軍。

大明會典卷之一百二十四

大明會典卷之一百二十五

兵部二十

雜行

俸給

諸司職掌

凡本部官吏人等。并合屬五城兵馬司。典牧所大勝關。會同館等衙門官吏俸給。每月初。明白立案。將實支官吏姓名。并該支米數。劄付該部填給勘合。委官下倉放支。如有事故。臨倉扣除還官。仍將實支米數回呈立案。

事例

見吏部稽勲司

印色

諸司職掌

凡本部合用印色。支銷盡絕。移咨工部轉行該庫放支。

事例 見吏部稽勲司

紙劄

諸司職掌

凡本部合用紙劄。移咨刑部於贓罰鈔內關支價鈔買用。明白立案開銷。以憑稽考。

事例 見吏部稽勲司

考覈

諸司職掌

凡本部所屬太僕寺并各牧監羣五城兵馬司典牧所大勝關會同館等衙門官吏。但有考滿。必從本衙門開報年籍鄉貫脚色職役。并行過事蹟到部。以憑考覈。咨送吏部定奪。

事例

永樂間。令凡

王府羣牧所千戶首領官。比護衛首領官。免其考覈。

拘收皮張

諸司職掌

凡軍民官司解到馬騾驢牛等項皮張鬃尾并肉臙變賣錢鈔到部錢鈔具手本送赴該庫交納皮張鬃尾咨送工部交收仍取實收附卷

事例

正統間令凡官司倒死馬皮就於所在官庫收貯成造軍器支銷係蟲蛀不堪者照時估易鈔備用○弘治初令凡南京典牧所等衙

門退出倒死牛犢皮角徑送南京該庫交收成造軍器不必解京

軍士鹽糧

諸司職掌

凡馬步軍士月支糧鹽并典牧所養馬象人冬夏布匹月支鹽糧遇有公文到部總其名數行移該部放支

事例

宣德間凡在京軍士關支月糧每衛委公正指揮一員專理其事依期關給其新至軍仍

令親管頭目。即與監支。若冒支及容情作弊者。糾舉究治。其各衛軍士。關領賞賜冬衣布花。本部委官。會同戶部委官。給事中。御史。各一員。給散。詳見戶部度支科。

皂隸

諸司職掌

凡各衙門官員。合用跟隨皂隸。俱於法司取撥管杖囚人應役。必須明立文案簿籍。開寫姓名鄉貫。應該拘役年月。發送某衙門着役。遇滿撥替。其有在逃。即便跟捉。仍送法司問

罪。若病故者。照名行移法司撥補。

大明令

凡府州縣額設祇候禁子。弓兵。於該納稅糧三石之下。二石之上。人戶內差點。除納稅糧外。與免雜泛差役。毋得將糧多人戶差占。應天府祇候二十名。禁子三十名。各府以秋糧為額。二十萬石之上。祇候二十名。禁子一十五名。一十萬石之上。祇候一十八名。禁子一十三名。一十萬石之下。祇候一十五名。禁子一十名。各州縣以秋糧為額。一十萬石之上。

會典卷一百二十五
祇候一十五名。禁子一十名。弓兵三十名。五萬石之上。祇候一十三名。禁子八名。弓兵三十名。五萬石之下。祇候一十名。禁子七名。弓兵三十名。

事例

洪武初。凡丞相大都督准侯例。儀從十五人。從一品十三人。正從二品九人。三品七人。四品五人。五品四人。六品七品二人。八品九品一人。中書省。御史臺。公使各二十六人。六部各十人。斷事司。察院各八人。應天府十五人。

上元。江寧二縣。各十人。其武官隨從人。指揮使至僉事。各四人。尋加二人。千戶以下三人。百戶以下二人。俱在正伍取用。三日一易。衛所直廳六人。守門二人。守監四人。守庫一人。俱選老軍充役。一月一易。○永樂間。令各項皂隸。以均徭人戶為之。在京在外。俱以一年為滿。○洪熙間。令凡文官給假回原籍者。跟隨皂隸。准其帶去。○宣德間。令隨從皂隸。係不願應當者。每名月辦柴薪銀一兩。○正統間。定官員隨從皂隸文職。一品二品十二名。

三品十名。四品六名。五品六名。六品四名。七品至九品二名。內翰林院編修檢討六科給事中。中書舍人。監察御史。俱近侍。各加一名。知縣。係親民正官。

欽與四名。國子監博士。助教學正。學錄二名。翰林院譯字官一名。武職五府管事都督。錦衣衛管事指揮。鎮撫司管事鎮撫。俱照文官品級例。帶俸都督各六名。錦衣衛帶俸都指揮。指揮各四名。

長陵衛指揮使并同知各六名。僉事四名。則出

特恩。其文武衙門公使皂隸。六部都察院通政使司。大理寺直堂皂隸各三十名。鴻臚寺翰林院直堂各十五名。宗人府太常寺國子監直堂各十名。詹事府左春坊直堂各八名。右春坊直堂五名。司經局直堂六名。太僕寺欽天監。太醫院直堂各六名。光祿寺尚寶司六科中書舍人。制勅房。係

內府衙門各用看朝房皂隸四名。上林苑監行人司各直廳四名。六部各司。都察院各道。大理寺左右二寺各直廳四名。刑部各司。都察院

各道大理寺左右二寺。係理刑衙門。各用把門二名。都察院經歷司。通政司。經歷司。各直廳四名。戶部刑部都察院照磨所。及各衙門司務廳。各直廳二名。通政使司。有奏訴冤枉人等。戶部山西清吏司。兵部職方。武庫。二清吏司。俱有軍囚人等。各用看監四名。宗人府經歷司。直廳二名。詹事府主簿廳。直廳一名。鴻臚寺司賓署。司儀署。主簿廳。太常寺博士廳。典簿廳。太僕寺主簿廳。各二名。欽天監主簿廳。二名。看書五名。觀星臺。把門四名。國子

監繩愆廳。直廳二名。典簿廳。直廳二名。刑部看監一百三十九名。都察院看監一百二十八名。五軍都督府。直堂各八名。府經歷司。直廳各四名。錦衣衛。直堂二十名。鎮撫司。直廳五名。看監三十二名。經歷司。直廳四名。其在外司。府州縣官員。隨從皂隸。照京官品級。僉撥。其公使皂隸。弓兵。并看監禁子。各照原額。僉點。布政司。按察司。直堂皂隸。各三十名。把門各六名。各司經歷司。照磨所。直廳各四名。都司斷事司。布政司。理問所。直廳各八名。把

門各二名。各府直堂皂隸十六名。把門四名。各州直堂皂隸十二名。把門二名。各縣直堂皂隸八名。把門二名。各府經歷司。照磨所。直廳各四名。各州吏目廳。各縣典史廳各二名。○成化十四年。令凡各官丁憂陞除等項去任。名下皂隸銀兩。封收送官。選補復任。在一月以裏者。全送。兩月以上者。照扣。一年之上。不曾除補者。盡數扣除。收過柴價不久。改陞事故等項。除三月以裏免扣。其餘悉令還官應用。如缺官日久。日月已滿。仍照日期扣算。

其扣除銀。俱送戶部收貯備荒。年終造冊進繳。○弘治初。令凡兩京公使。并倉庫秤子等役。不願應當者。每名歲出工食銀十兩。○十一年。令各處解到柴薪價銀。本部收貯。該司行移。應得皂隸衙門知會。各該衙門。差人賫文赴司關領。分送各官。其改陞事故等項。各該衙門。即日查算。除任內應得外。悉扣還官。其續任補缺。俱以到任之日為始。補與應得之數。○十五年。令

郡王將軍府教授。典膳。每員皂隸一名。

郡王府教授。典膳。皂隸。民間僉撥二名。每名止許辦柴薪銀八兩。

將軍下教授。係吏部除授。由學校出身者。仍與皂隸一名。許辦柴薪價銀一十二兩。係本處軍民舍餘出身者。不與。又令凡解到皂隸。不必拘定某州縣。派撥某衙門。但從本部將各衙門擬定次序。皂隸以到部之日為序。三品以上官。歲該皂隸十名。十二名者。俱先撥三名。四品官該六名者。先撥二名。九品以上官該二名。三名。四名者。俱先撥一名。譯字等官該

一名者。俱先撥半名。各照次序。周而復始。大率一品二品官。歲該十二名者。上半年以裏。不許撥過六名。四品官該六名者。上半年以裏。不許過三名。餘官倣此。

武學

國朝自正統以來。承平日久。天下軍衛子弟。多習儒業。延至邊徼。亦或建學設官以教之。其在京師。勲戚子孫襲爵及被選尚主者。亦學于國子監。至于各衛幼官與子弟未襲職者。資多可教。於是兩京並建武學。嚴立教條。儲養

訓習。以備任用。其子弟有志科目者。亦許應試。設教授訓導。品秩俸廩。如京府儒學之制。教條係本司掌行。因具載之。

事例

正統初。奏定教條。一。幼官及武職子弟所讀之書。小學論語孟子。大學內一本。武經七書。百將傳內一本。每日總授。不過二百字。有志者不拘。必須熟讀。三日一溫。就於所讀書內。取一節講說大義。使之通曉。春夏秋月。每日辰時初刻入學。至未時末散。冬月申時散。一。

都指揮等官年長者。止令五日一會聽講。其會講之日。教授訓導咸在。內輪一員。以

大誥武臣歷代鑑。百將傳及古今名臣嘉言善行。

內據一段。升座講說。務在坦直明白。易曉。各官齊班。祇揖立聽。有未曉者。許其請問。再為解說。務使粗知大義。講罷祇揖而散。其幼官子弟。亦隨後聽講。一。幼官子弟。日寫做紙一張。率以百字為度。有志者不拘。一。幼官子弟。有事請假。先自訓導。以達教授。明立假簿。量事繁簡。緩急。定與限期。依限赴學。一。都指揮

等官升堂聽講。執弟子禮。不係聽講之時。相見各以禮待。其幼官以下。常在學肄業者。必行師弟子禮。一。都指揮等官聽講之日。遇有公差及當操之日。皆須報知本學。明註簿籍。事畢仍前會講。幼官內有領隊管隊官。如遇操練之時。分作兩班。輪下教場。三日一換。亦須報知本學。明註簿籍。操畢仍前赴學。不該操者。依舊在學。一。本學置紀過簿一扇。都指揮等官。有犯學規者。學官以言訓飭。不從者。明書其過。三次不改。具呈總兵官。隨宜懲戒。

其餘幼學子弟。有犯。量情責罰。一。提督御史下學。悉依憲綱禮儀。其勉勵官員子弟。須稽考勤惰。量加警飭。毋致廢弛。一。教官幼官及武職子弟廩饌。每人月給食米三斗。一。武職五十以上者。操練聽講。以下者入學讀書。○成化初。申定教條。一。每日早教官升堂。幼官子弟序立。分東西序揖退。俟訓導還齋。晝卯背書。授書寫做。遇會講之日。訓導升堂。諸生序立聽講。一。都指揮等官。雖見授三品職事。讀書聽講。及與教官出入相見。並應執弟子

禮。毋或輕慢。以乖禮義。一。教官表儀後學。必正其衣冠。謹於言行。使學者有所觀瞻。不許放肆怠惰。麤暴輕率。有乖師範。一。都督以下子弟。文學優長。有志科目者。聽於京闈鄉試。果有武藝智謀。許府衛從公禮薦。以憑應試。一。每月初二日。十六日。教官率幼官子弟。於城外空地演習弓馬。一。在京千百戶鎮撫應襲子弟。願入武學者。聽。一。在學幼官。有策畧精通弓馬。熟閑者。從公禮薦赴部。會官試驗。奏請任用。其餘抱藝守分。不及薦舉。年二十

五以上。三十以下者。本學查明送部。轉發各營聽用。一。幼官武生肄業外。每五日一次習演弓馬。各營總兵官。兵部堂上官。每月各一員。下學考驗武庫司籍其功能。歲終檢閱具奏。其一次答策文理可觀。并馬步中五六箭者。賞鈔一百貫。三四箭者。五十貫。若積累至於能專其業。可以為將。或坐營把總守備者。不次擢用十年以上。怠於進學者。黜退送操。一。幼官武生。考驗累居優等者。十年一次。本部會同總兵官。舉送各營各衛。遇有坐營把

總掌印軍政員缺。相兼選用。其餘盡行黜退。別選。以後每月考校外。另委該司官一員。不時點闡。逃學十日之上。或一次二次者。量責。半年之上。及連逃三次者。呈送法司。仍追食過饌米還官。依例送操。其教授等官。學行出衆。作養成材數多者。依國子監官事例。陞用。南京兵部

武選清吏司

事例

凡所屬軍官。亡故老疾。應襲替及減革者。每

歲春秋二季。具本起送。咨兵部定奪。

凡軍官亡故老疾。子孫幼小。應得優給。及戶無承襲。應優養者。行勘明白。類咨兵部定奪。

凡南京各衛所軍政官員。照例五年一次。會同五府錦衣衛堂上官考選。會本具奏。若軍政官遇有急缺。申呈到部。查委見任官員署管。候有官之日。另行。其運糧官員有缺。聽漕運衙門移咨本部。查不係為事有礙官員。行衛起送。

凡南京軍官為事復職。取供抄招。年終類咨

會典卷一百二十五
兵部知會

凡軍職係舊官具告比試者。勘取供結。咨送兵部聽比。

凡軍官應請

誥命。行勘明白。移咨兵部請給

車駕清吏司

事例

凡

皇城各門。俱於南京旗手等十三衛。揀選精壯官軍。輪班守衛。從本司委官及科道官。不時點

閘。如牌面字樣模糊。及盔甲什物損壞。行移南京工部給換。堪修整者。收發修整。若有違犯。照例參奏送問。

計兩班守衛官軍。及帶刀官。共六千一百七十九員名。

一班守衛官。一百一十七員。旗軍。二千

九百六十七名。帶刀官。一十員。

二班守衛官。一百一十八員。旗軍。二千

九百五十五名。帶刀官。一十二員。

凡例不勾丁校尉。力士。年老有疾者。勘驗明

白。類咨兵部。具奏放回。照例僉補。

凡南京各營騎操馬匹有缺。行令照例支租銀。及朋合椿頭銀買補。完日。行南京太僕寺委官印烙。給操。

凡南京太僕寺。每年報到孳生馬駒。應印烙者。具奏行移都察院差御史。同本寺委官印烙。其各府州孳生牛犢。每三年帶印備用。老瘦不堪者。變賣銀兩解京。

凡南京光祿寺等衙門供應牛隻。有倒死者。送太平門外埋瘞。退出老瘦不堪者。送典牧。

所收養。候有臆息。開呈本司聽用。倒死者。告行相剥皮張。本所具奏。類送南京工部。轉解該庫交收。

凡南京各衛馬快船。公差出給勘合。裏河者。往回限三箇月。限外又過三箇月。小甲參問。兵部留候聽差者。以批廻日期扣筭。上江者。限五十日。限外過五十日者。參問其小甲。過半年者。并船夫軍餘參問。

凡馬快船。應撥通州聽候者。江淮。濟川。二衛。輪流委官。給精微批管送。

凡撥船裝運物件。行移南京都察院。及該科。差御史。給事中。各一員。監視品物。用冰者。一船十五扛。至二十扛。其餘酌量裝載。不許多。占夫船。其每年撥過船數。仍行移兵部。以備查考。

凡馬快船夫甲。每十年審實重編。民夫逃故者。依清軍例勾補。官旗人等借倩役使者。參奏治罪。

計南京江淮衛大小馬船。四百零九隻。濟川衛大小馬船。四百零八隻。每船一號。六

百料者。民夫五十名。三百料者。民夫二十五名。

江淮關。擺渡馬船二隻。

新江關。擺渡馬船二隻。

浦子口。擺渡馬船二隻。

龍江關。擺渡馬船二隻。

儀真。擺渡馬船四隻。

南京錦衣等四十衛快船。九百五十八隻。每船小甲一名。軍餘十四名。

撥船廠。把總指揮三員。

造船廠。把總指揮三員

錦衣等衛管船撥船委官八十員

凡南京會同館。從本司提督

計本館館夫五十九名

馬四十五匹

馬夫四十五名

鋪陳四十五副

驢三十頭

驢夫三十名

鋪陳三十副

凡南京刑部送到軍伴。編發南京錦衣衛各所充當

凡會同館。江淮。濟川等衛。應天等府。滁和二州。修造船隻。歇役。地租。工食。馬驢鋪陳等項。價銀。俱本司收受。內租銀送應天府寄庫。其餘聽候支用

職方清吏司

事例

凡南京裏城

正陽等一十三門。外城江東等一十八門關。俱於各衛揀選精壯官軍守把。從本部委官。與科道官。不時點閱

凡各營及江操官軍俱有原奉

勅管操武臣統領操練。從內外守備及本部叅贊官閱視。本部仍委官一員。并行南京科道差官。不時點閱。

計營操四處

大教場

小教場

神機營

新江口

凡驗軍及存恤新軍。俱照在京事例。

武庫清吏司

事例

凡南京各衛所逃故軍匠。發冊該府州縣清勾。其原籍無丁者。聽該府州縣差人賞文查理。備由批廻。

凡在外軍民戶籍不明。解查者。本司揭查軍冊。行南京戶部於後湖查民冊。備抄類行原籍。以憑開豁。

凡南京京衛武學。從本司提調。每月本部堂上官。照例下學考驗。

凡南京各衙門皂隸。照例差撥。其撥剩及扣
除還官者。收貯本司。以備灾傷州縣撥補。

大明會典卷之一百二十五

